

حالة خاصة مي يحيى

حالة خاصة - مي يحيى

اسم الكتاب : حالة خاصة

اسم الكاتب : مي يحيى

رقم الإيداع : ٢٦٣٣٩

الترقيم الدولي : ٧٨٩٧٧٦٥٢٧٤٢٩

الطبعة الأولى : ٢٠١٥

مراجعة لغوية ، وإخراج : زحمة كتاب

غلاف الديوان :

صادر عن : مؤسسة زحمة كُتّاب للثقافة والنشر

١٥ ش السباق - مول الميريلاند - مصر الجديدة



www.za7ma-kotab.com



www.facebook.com/za7ma



www.facebook.com/za7makotab




za7ma-kotab@hotmail.com

© جميع حقوق الطبع والنشر محفوظة

لمؤسسة زحمة كُتّاب للثقافة والنشر

المشهرة قانوناً بسجل تجاري رقم / ٨٤٤٨٦



مؤسسة زحمة كُتّاب للثقافة والنشر

الإهداء

لـ نُصِيّ الجميل وصاحب الفضل فـ كل حاجة حلوة
حصلت أو هتحصل فـ حياتى

لـ صاحب الأصل فـ ملامحى وطباعى

لـ أول شخص صدقتى وقوانى وطمنى وعلمنى أعيش
بـيه ولسة بيعلمنى حتى وهو مش موجود

لـ الغائب الحاضر (أبى) أسكنه الله فسيح جناته

إلى سر الوجود : أمى

إلى بهجة حياتى : إخوتى

إلى أرواح غابت عنى

إلى كل غالى من صديق أو قريب

إلى نافذة الأمل زحمة كُتاب

اللهم توفيقك

أبو وش بشوش



أبو وش بشوش يديك ضحكة
ويقولك دائما إوعى تخاف
وف لحظة ضعفه وخوفه وألمه
يكون شفاف
ويشوف الناس لكن جواه
عمره ما يتشاف
أبو وش بشوش المتفائل
ببجيب الضحكة من الوحلة
ويشد على إيديك ويقولك
إن الـ هيجى أكيد أحلى
وإن الأيام زي ما صعبة
فى غيرها كثير أيام سهلة
أبو وش بشوش تلقاه جانبك
وقت ما تحتاجله يكون صاحب

حالة حامة - هي يحيي

ف الشده يداوى ويطبب
ولفعل الخير دايمًا حبيب
وف وقت الفرحة تملئ معاك
ولا يمكن مرة يكون غايب
أبو وش بشوش دايمًا صافى
صعب يجافى ومايتلونش
لو مهما تغيب وقت ما ترجع
هيقابلك بردو ب نفس الوش
وإن حب ف يوم يعتب ويلوم
مش محتاج منك غير معلى
أبو وش بشوش لما بيحزن
يختار البعد ويبقى وحيد
ويفضفض مع نفسه ويرجع
ويساعد غيره ويبقى سعيد
يقفل على حزنه ب 100 مفتاح
ولا يشكى ولا يقول ويعيد
أبو وش بشوش إنسان عادى

8 | حالة حامة - هي يحيي

موجود جوايا وجواك

مش محتاج منك تتغير

ولا محتاج منك تبقى ملاك

كل ال عليك تفضل فاكر

إن الخالق دايمًا وياك

أبيض وإسود



فى ناس بالقلب بتفكر
ودايما صوتها للإحساس
وناس العقل يحكمها
وتأخذ كل شئ بمقاس
إيديك صوابها يختلفوا
فما بالك طباع الناس!!!
لا كل إل إندفن ميت
ولا إل حى كان عايش
فى ناس فى الدنيا زى القش
بيان لعنيك عشان هايش
وناس مهما تغيب حاضرة
وصعب تكون على الهامش
صحيح كل البشر من طين
لكن جوانا سود أو بيض

حالة حامة - هي يحيى

فى ناس تلقى ف روحها براح
يسيع الكون ومنه يفيض
وناس لو بس تلمحها
تسلم من بعيد لبعيد
قالولنا العين بتتكلم
وتحكى كل شئ جواك
فى ناس فى عيونهم الطيبة
دموعهم تسبقك فى بكاك
وناس لو ورد تهديها
يردوا هديتك أشواك
على الدنيا فى دايم ضد
ودايم ناسها مختلفين
فى شر وخير
ملاك وشيطان
ومع ذلك سوا عايشين
دى حكمة خالق الملكوت
صراع داير ليوم الدين

العتمة



العتمة زادت يا بلد
وطريق ظلامك مد
كل الوشوش إبتدلت
وبياض قلوبها إسود
ضباب وعشش
فوق سماك
وكل يوم يشتد
لا قمر في ليلنا
وفي نهارنا
الشمس خالفة الوعد
والحلم ماشى في سكتة
رغم الحيطان السد
العتمة تخنق خطوته
لا يخاف ولا يتهد

حالة حامة - هي يحيى

الكل طاطى وقال " مع "

ولوحدّه واقف ضد

كل البيبان متقفلة

ينده ما يسمع رد

كل الجنان دبلانين

ومغطى شوكة الورد

حتى الجنين الـ إتولد

مصيرُه كان الواد

العتمة زادت يا بلد

وطريق ظلامك مد

أنا اللّاحوز



بضّحك كل خلق الله
وببكى وحدى على حالى
لا أنا قاصد غنى أو جاه
ولا بطمع فـ شئ غالى
معادلة بسيطة بحسبها
وأقول أهو خير هيبقالى
بوزع عـ الخلايق حُب
ف يطرح بركة ف عيالى
وكل ما ضحكهم يعلى
ببیرتاح مـ الهموم بالى
فقير أنا آه لكنى عفيف
وراضى بكل أحوالى
ورا الكواليس أنا بمشى
بكام رُقعة وتوب بالى

حالة حامة - هي يحيي

على المسرح أنا الأغنى
وأنا الحاكم وأنا الوالى
بلون كل يوم وشى
وأحيركم بأشكالى
تشوفنى بغنى وأتنطط
مارد مجنون أوام جالى
فيعلّى الضحك والتسقيف
أزيد والوقفه تحلالى
وبعد ما تخلص النمرة
تقوم أصواتكو ندهالى
وتهتف عشت يا أراجوز
ساعتها الفخر يملانى

أنا راضى



فوسط التوهة والزحمة

خبر بغير الدنيا

وبيسينا مع الماضى

خبر قادر يفرحنا

خبر بسناؤه يجرحنا

وفى الحاليتين أنا راضى

أنا راضى لكن موجوع

وكاتم صرخة وسط ضلوع

بعافر تحت أنقاضى

بحاول أجمل الصورة

وبضحك ضحكة مكسورة

وأخفى الحزن جوايا

وكل ما ضاقت الشدة

بحرر روحى بالسجدة

حالة حاسة - هي يحيي

وأردد " ربنا معايا"

وتقوى الروح كمان مرة

وتحلى الآه ولو مرة

وبلقى السجدة دى دوايا

وأقوم وأنا راضى بالمقسوم

لا أنا محنى ولا مهزوم

بكفكف دمعى وبكمل

وأقول لازم هيمشى الحال

ولو كانت همومى جبال

بقوة صبرى هتحمّل

مبشر ربنا الصابرين

بجنة خلد يوم الدين

وأنا عشان ومتأمل

أكون برضايا لى نصيب

وأجاور فيها كل حبيب

وألم الشمل من تانى

وترجع ضحكى م القلب

8 | حالة حامة - هي يحيي

بتوب أبيض برئ م الذنب

وترحل عني أحراني

أنا راضي وهستقوى

بوعد الجنة أنا أقوى

ورب الكون بيرعاني

أول ساء



كان بيحلم .. قام بيضحك

شاف ف ساعته وقال يادوب

أصل كان ناوى إنهاردة

إن تتصارح قلوب

كان محضّر كل كلمة

والمعاد وقت الغروب

هيّ كانت ف إنتظاره

والتوتر فيها عادة

هيّ خايقة م المّقابلة

هوّ كان عثمان زيادة

كان فاكرها الليلة جاية

فاتحة أبواب السعادة

وشه كان كُله إبتسامة

وشها كان كُله خوف

حالة حامة - هي يحيي

نفسها مايقولش حاجة

ويسبوها لـ الظروف

هو فعلاً لما شافها

كان نسي كل الحروف

فات عليهم كام دقيقة

والبطل فيها السكوت

كان قلوبهم وحدها

قادرة تتكلم بـ صوت

كل دقة كان كلامها

رافض إن اليوم يفوت

هيّ كان خوفها إختفى

هوّ حسسها بـ أمان

قال لها بـ قلبه وعينه

الـ كان رافضه اللسان

ساب لها أحلى إبتسامة

ودّعوا بيها المكان

بسيط الحب



يا ست الحُسن أنا الفارس

ويا جَوَّيت أنا روميو

وأنا قيسك يا ليلاى

أنا العاشق وأنا المجنون

ولجلك كل صعب يهون

بُعمرى أفيديك وحياتى

وكام أغنية متعادة

وبيك قهوتى زيادة

وانت الأولى ف حياتى

معاك كل شئ أجمل

ب نُصى الحلو أنا بكمَل

وبيك بتحلى أوقاتى

طريق الشوك أنا همشيه

كلام إتقال وصدقته

حالة حامة - هي يحيى

عليه بتقوى وتباتى
لا عُمر الحب كان كلمة
ولا كان الغرام غنوة
ولا حدوة وحكاية
قلوبنا بتهوى بالإحساس
ولما تحب تتكلم
يادوب نظرة وضحاية
بسيط الحُب من يومه
ومش محتاج يا ناس تفسير
ف كل قصيدة ورواية
حواس القلب معروفة
وقادرة تحس كل غريب
وتلقى حقيقته ف مراية
ولو ب قلوبكو حبيتوا
لا كُنَّا قابلنا يوم خاينين
ولا بكينا على ضحايا

بيتاح الدور



عشان ثروته

هى وروده

ووجودها بيكمل

بوجوده

بنى بيته وعاش

جوة البستان

من ريحة الورد

بيتطر

وببيضحك

من غير ما يفكر

عاشق للفرح

وللالوان

حكايات الورد

بيحكىها

حالة حامة - هي يحيي

حافظ أسرارها

ومعانيها

معاشرها وبيها

صَبَحَ ولهان

يتدفى بنورها

ف عز شتاه

وف صيفه نسيمها

ل روحه حياه

وسايبها على الله

ومش قلقان

يسرح بـ وروده

ف آخر الليل

ويقابلك على كورنيش النيل

بيدندن صوته

أغاني زمان

مسكته للورد بتند هلك

تشتري على طول

حالة حامة - هي يحيى

لا يخاف من شوكة ولا يحاسب

وتملى يقول

"مين حبه الورد , إداله أمان"

جرّبت !!!



جرّبت مرة تنام جعان

ومتشكّيش

جرّبت تصرخ مـ الألم

محتاج علاج ومتلاقّيش

جرّبت فقرك يمنعك

تحلم , تفكر أو تعيش

جرّبت أى سؤال

إجابته تكون مفيش

أعرف أنا واحد فقير

صدقنى جرب كل دا

أبسط حقوقه بس حيط

يتدارى فيه وقت الشتا

راكب فـ قطر الغلبانين

والسكة مش متمهدة

حالة حامة - هي يحيى

بببص من شباك حزين
على البنوك والأرصدة
يلمح عيون الأغنيا
مستنيين مدة إيديه
لأجل اما يدوله بكبر
الكام جنيه
ف يدارى إيذه عنهم
وبسرعة بتدمع عنيه
ويخبى نفسه منهم
من بعد ما صعبت عليه
علشان فقير بقا باختصار
كاره يعيش وسط البشر
صباخه محروم مـ الحياه
صبار بيحلم بالمطر
وليئه مليان بالهموم
لا شاف نجوم ولا فيه قمر
صدقنى ف بلادنا الفقير
محتاج يكون عايش "عمر"

حبة حاجات



فى حاجات كدة
بتفرحك من غير معاد
نقطة مطر , ضحكة ولد
لمة صُحاب بعد البعاد
أو صدفة حلوة بتخطفك
وتلف بيك دُنيا وبلاد

أوقات بتبقى قريبة
وكتير بتبقى حاجات بعيدة
بس الأكيد فيها إنها
بتحلّى أيامنا العنيدة
وبتبقى قاصدة تسبب لنا
ف القلب كام ذكرى سعيدة

حالة حامة - هي يحيي

وحاجات بتحصل تجرحك

دمعة فراق , لحظة ندم

أو كلمة صعبة ومُتعبة

وساعتها بتغمض عينيك

بتحاول إنك تفتكر

كل الوشوش الطيبة

وتدارى جرحك , تبسم

وتحس قلبك وقتها

محتاج لـ ضمة وطبطقة

كل الحياه متجمعة

ف حبة حاجات

منها الـ عايشين لسة فيه

ومنهم الـ فات

والدُنيا غير عُمرنا!!!

وكله محسوب بالساعات

ليك فيه نصيب وهيوصلك

حالة حامة - هـي يحيى

عُمرُه ما كان ضربة ودع

مكتوب لك الـ يفرحك

والـ يصيبك بالوجع

خليك تملئ مُستعد

وقابلها بالوش الجدع

حبة حروف



طعم الحياه .. وقت الفرح .. وقت البكا

كُلُّهُ إختَلَفَ

وكأنى طير ف طريق طويل صابئه الوجع

فجأة إنعطَفَ

لملم جناحه وحب يرتاح ع الغصون

الريح عَصَفَ

صوت كان قوى .. هز الشجر

جسمه إرتجَفَ

زاد الوجع .. بص ف جناحه

لقاه نَزَفَ

كان صعب يصرخ م الألم

رفض الكلام

غمض عنيه وإتغطى بأوراق الشجر

يمكن ينام

حالة حاصّة - هــي يحيى

ضاق صدره من كُثر البُكا
فُتِّحَ أوام
كان نَفْسُهُ لو فَتَّحَ عنيهِ يلقى الـ كان
جِلْمَ ومنام
شاف لون غميق وكثير بشر
خَضُّهُ الزِّحام
حاول يدور عـ القمر لكن لقاه
صائبه الخسوف
كان نفسه يتشعبط فـ ضِيه
فـ وقت خوف
غاب القمر , ساب طير وحيد
وسط الألوفا
كان طير قوى , رفض النواح
رغم الظروف
غَلَبَهُ البُكا , مِسْكُ القلم ويادوب كتب
حبة حروف

حلقة الإنتظار



كُنَّا واقفين طابور
والساعات شغالة دق
جوة حلقة الإنتظار
فينا مستنى سعادة
فينا مستنى حبيب
فينا مستنى قرار
بس رغم الاختلاف
كله بيعد الثواني
لجل ما يفوت النهار
والمرتاح ال صابر
مهما بتطول الساعات
صبره بيحلى المرار
ف إنتظارنا ليه ولازم
كل أيامنا تطول!!!

حالة حامة - هي يحيي

ليه بنحزن أو نخاف

ليه بتتحيّر عقول!!!

ليه نشيل الهم وإحنا

عاجزة إيدنا ع الحلول!!!

ليه بتتسى روحنا دايمًا

جملة " الصابر ينول!!! "

جرب إخرج م الطابور

عيش حقيقة يوم ب يومه

مرة يومك يبقى فرحة

مرة تتعب من همومه

إطوى صفحة الإنتظار

داوى بالك من سموه

بكرة لازم جى جى

وال مكتوبك تنوله

حلمك مش بعيد



رَتَبَ الأحلام فـدِ بالك
وإدعى بيها كل ليلة
حتى لو كانت بعيدة
مش هتبقى مستحيلة
كل خطوة قول يارب
هون السكة الطويلة
مد أيدك لـ النجوم
حس تفاصيلها الجميلة
تلقى قُدرة رب صانع
خالق الكون والأنام
وزّع الأرزاق بـ عدله
كله محسوب بـ التمام
خالق الموت مـ الحياه
والورود وسط الحُطام

حالة حامة - هي يحيي

إِطْلُبْ الْأَحْلَامَ وَسَلِّمْ
رَبَّنَا إِسْمُهُ السَّلَامُ
كُلْ أَحْلَامَكَ أَمَانَةً
نَفْسَهَا تَبْقَى حَقِيقَةً
مَهْمَا تَخُنَّقَهَا الظُّرُوفُ
بِالدُّعَاءِ هَتَكُونَ طَلِيقَةً
مَهْمَا حَاوَلُوا يَحْبِطُوكَ
أَوْ صَادَفَتْ وَشَوْشَ غَمِيقَةٍ
خَلَّى صَاحِبِكَ الْأَمَلُ
وَابْتَسَامَتِكَ لِيكَ صَدِيقَةٍ
كُلِّ وَقَعَ فِي الْبَدَايَةِ
كَانَ مَجْرَدَ إِحْتِمَالٍ
كُلْ قِصَّةَ جَمِيلَةٍ كَانَتْ
فِكْرَةً مِنْ وَحْيِ الْخِيَالِ
حَتَّى كُلِّ جَوَابٍ وَمَعْنَى
مِنْ بَدَايَتِهِ كَانَ سُؤَالَ
وَإِنَّتَ حَلْمَكَ مَشَّ بَعِيدٍ
صَدَقُّهُ تَشَوُّفُ الْجَمَالِ

حدرویت الحب



كُلُّ حَوَادِثِ إِنْهَارِدَةٍ
كَانَ لَهَا نَفْسُ الْبَدَايَةِ
كُلُّهَا بَدَأَتْ بِنَظَرَةٍ
فَابْتَدَتْ كُلُّ الْحَاكِيَةِ
بِسُفْلِ الْآخِرِ بِنَقْلِ
كُلِّ حَدُوثَةٍ بِنَهَابَةٍ
عِنْدَنَا أَوَّلَ حَاكِيَةِ
وَالْبَطْلُ إِتْنَيْنِ حَبَابِ
كَانُوا يَدْعُوا كُلَّ لَيْلَةٍ
إِنْ يَجْمَعُهُمْ حَلَالٌ
كَانَ يَقِينُهُمْ فِي الْإِجَابَةِ
أَقْوَى مِنْ كَلِمَةِ مُحَالٍ
عَاشُوا كُلُّ الْعُمُرِ ضَحْكَةً
وَالنَّهَايَةِ كَاتٍ سَعِيدَةٍ

حالة حامة - هي يحيي

بيت ومليان ب العيال
والحكاية الثانية كانت
مش غريبة ع الوشوش
كان بطلها إثنين حبايب
حبوا بس مكملوش
والسبب يمكن خيانة
أو بعاد أو كان ظروف
هى حالة من الوجد
صعب توصفها الحروف
والنهاية باينة جدا
كُلها أحزان وخوف
أما قصتنا الأخيرة
ف نهايتها مُبهِمة
والبطل كان فيها قلب
شوقه واصل للسما
بس دايمًا وحده عايش
ع الأمانى والمُنَى

حالة حامة - هي يحيى

خَلَصَتِ الحَوَادِيتَ وَلَكِنْ

لِسَةِ يَامَا فِي حِكَايَاتِ

مِنْهَا لِسَةُ جَيِّ بُكْرَةٍ

أَوْ قَدِيمَةٍ مِ الْفَاتِ

كُلْنَا بِنَمْلِكَ حِكَايَةَ

حَتَّى لَوْ كَانَتْ سُكَّاتِ

ربك كبير



خَلَّى تُكَالِكَ عَدَّ الْكَرِيمِ
سُبْحَانَهُ عَلَامُ الْغُيُوبِ
قَادِرُ يَنْوُرُ كُلِّ غَيْمِ
يَخْلُقُ شَرْوْقَ بَعْدِ الْغُرُوبِ
طَوَّلَ مَا أَنْتَ ظَنُّكَ فِيهِ قُوَى
هَيْدَاوَى وَيَفْرَجُ كُرُوبِ
كَامَ مَرَّةٍ كَانَ حَلْمُكَ بَعِيدِ
وَدَعِيَّتَهُ لَجَلٍ يَقْرُبُهُ
أَوْ إِمْتَى فِ رَحَابِهِ بَكِيْتِ
لَمَّا أَلْ حَوَالِيكَ يَهْرَبُوا
كُلَّ الْكَانِ يَوْمَ مُسْتَحِيلِ
بِ سَهْوَلَةٍ تَقْدِرُ تَغْلِبُهُ
رَبِّكَ بِيَسْمَعِ هَمْسَتَكَ
كُلَّ أَلْ مُحْتَاجُهُ الْيَقِينِ

حالة حامة - هي يحيي

لو مهما كانت سِكَتَكَ
سَلِمَها لِيه وبيِه إِسْتَعِين
ثَبِتْ فِ أَرْضِكَ خَطْوَتَكَ
وإِبدَأْها بِالرَّجْلِ الْيَمِينِ
سُبْحَانَهُ خَالِقِ كُلِّ شَيْءٍ
وَالْكُونِ دَا كُلِّهِ بَيْنَ إِيْدِيهِ
وَإِزَايَ هَتَقْلُقْ أَوْ تَخَافِ
بَعْدَ الْيَقِينِ مَحْتَاجِ لَهْ إِيْهِ
رَبِّكَ كَبِيرٍ وَبِيسْمَعِكَ
وَكُلِّ شَيْءٍ قَادِرٍ عَلَيْهِ

ريشة مكسورة



ولما الظلم يستفحل
وتكره عينك الصورة
بتبدأ توصف المشهد
بـ حبر وريشة مكسورة
دخول القاضى للقاعة
ضمير ميت
لسان مسموم
وعين عورة

وتبدأ تمتعات الناس ببيان صُوتها
يخبط خبطتين ويقول..
" كفاية كلام "
ومن غير رغى ومُرافعة
دا تأبيدة ودا إعدام

حالة حامة - هي يحيى

وتعلى التتمتات لـ صريخ
وليه وإزاي , يا قاضى حرام

ويجى المشهد التانى لناس قاعدين
ومش من عيلة المسجون ولا السّجان
على يمينك واحد رافض وبيعارض
وطبعا صنفوه إخوان!!!
ومع ذلك ماهوش منهم
ورفضه كان عشان إنسان

وتيجى تبص لـ شماك وتستعجب
مغمض عينه ومصدق كما الأنعام
ممجد سيده ومطبل لأى قرار
ويزعل لما بنقولّه " عبيد حكام"
وده الـ بايده مش حابب يكون إنسان
وراضى الظلم ومسلم لأى نظام

حالة حامة - هي يحيى

وتنوي تكتب القفلة
بتفاصيلها المشروحة
يزيد الكسر في الريشة
وتلقى حروفها مجروحة
ساعتها بس بتقرر
تسيب القفلة مفتوحة.....

زي الدورو



ضحكة طفل

لمة عيلة

ضمة أب

صوت عصفور

بسمة رقيقة

كلمة حُب

دى حاجات قادرة

تفرح قلب

حاول دائماً

تبقى بسيط

عيش اليوم

من غير تعقيد

حب الناس

علشان تتحب

سامح وإغفر

من غير لوم

كبر قلبك

يوم عن يوم

وإوصل دائماً

حب الود

بيع الهم

ولو ببلاش

هيّ حياه

واحدة بتتعاش

كُن النّسمة

ف وقت الشّرّد

داوي جراح

غيرك ترتاح

وإبنى ف أيامهم

أفراح

هد ف سور

حالة حامة - هي يحيى

أحزانهم هد

تلقى مكانك

جوة قلوبهم

وف حكاويهم

لو جت سيرتك

بيكون وصفك

"زي الورد"

صُرفَة شِتا



فَ يَوْمِ شَيْتَا وَمَنْ غَيْرِ مَعَادِ
عَقْرِبَ سَاعَاتِ الْكُونِ وَقَفَ
كَانَ يَوْمٌ هُوَا وَكَثِيرُ مَطَرِ
وَفَ لِحْظَةً صَعْبَ تَنْوَصِفِ
لَمَحَتْ عَيْنِيهِ وَسَطَ الْبَشَرِ
بَتَقُولُ كَلَامَ وَبَتَعْرِفِ
رَغْمَ الْبُرُودَةِ وَالْمَطَرِ
حَسَّتْ وَفَجْأَةً بِالْدَفَا
وَكَأَنَّ كُلَّ الْكُونِ فِضَى
كُلِّ الدَّ حَوَالِيهَا إِخْتَفَى
حَالَةً وَمَشَّ مَتَفَسِّرَةً
فَ الطَّبِّ أَوْ فِ الْفَلَسَفَةِ
مَعَ إِنَّهُ كَانَ أَوَّلَ لُقَى
حَسَّتْ كَأَنَّهُ مِنْ سَنِينِ

حالة حامة - هي يحيى

معقولة من بين البشر

مكتوب نكون متجمعين!!!

دايما يقولو إن الشّتا

فصل الصّدْف , فصل الحنين

فاقت على نقطة مطر

وعيونها كانوا بيلمعوا

مشيت طريقها وكَمَلت

من قبل حتى ما تسمعه

كان حلمها طول الشّتا

وقت المطر يتجمعوا

أخذوا وعودهم بالعيون

كان إتفاق من غير كلام

وبابتسامة إتودعوا

وقالوا بـ قلوبهم سلام

رجعت ساعات الكون تُدق

وهُمّا تاهوا ف الزحام

ضحكة ولر



كُلُّ البراءة إتجمعت
جوة ف عينية
وكل حاجة لو جميلة
تليق عليه
تنوى تضمه بيسبقك
يفرد إيديه
وحضنه ملين بالدفاء
لساه برئ
لمعة عيونه تريحك
لو وقت ضيق
وتحب تمشى بخطوته
طول الطريق
حاضن كفوفه بين إيديك
وكأنه روحك

حالة حامة - هي يحيي

صوت ضحكته لازم أوام

يكسر سكوتك

وتحس إنه بيندهك

مُشتاق لـ صوتك

يبدأ يدردش وبحروف متكسرة

يطلب طلب

وفوراً تلبي كل الـ قاله

ولو كان دهب

ويخلص نهاره وبعد الشقاوة

يصيبه التعب

يبطل كلام , يغمض عيونه

ويغرق ف نوم

وتفضل باصصله ولو مهما يحصل

لا يمكن تقوم

فوقتك يعدي فتفضل بقربه

فتنسى الهموم

عاوى جداً



صوت دموعه كان واصلنى

رغم إنه كان بعيد

كان ف صوته الحزن باين

واحنا يومها كُنا عيد

وأما قَرَبت وسألته

كان إجابته " عادى جداً "

لو ف عز الفرح تبكى

أو ف عز الضحك تحزن

عادى جداً

عادى لو جواك بقيت

كل حاجة وعكسها

إيه هيجصل لـ الحياه

لو بقينا زيها!!!

كلنا عايشين متاهة

حالة حامة - هي يحيي

صعب حد يحلها

فيه صرخت وقلت فوق

رد صوتهُ وقال لى "عادى"

كله عادى

عادى لو صابك جنان

أو مشيت ف الدوشة هادى

عادى لو عُمر ك يفوت

وانت مكتوف الأيادى

كلنا هنموت .. يا بكرة

يا إنهاردة , يا السنة دى

فيه صرخت بنبرة أعلى

بردو فوق

رد هو وقال لى "ليه"

ليه نفوق!!!

ليه نفوق ف الدنيا يعنى

واحنا دايمًا مجبورين

كل حاجة مش مكانها

حالة حامة - هي يحيى

والشمال يتشاف يمين
حتى فد السيرك المهرج
كل يوم بيبات حزين
قُلت أهدى شوية صوتى
وأسأله إن خلّص كلامه
رده كان بس السكوت
قُلت أعيد تانى السؤال
بردو مش سامع له صوت
حب يحكىلى الحكاية
قبل ما وقته يفوت
كان مُواطن قال أفضفض
كلمتين قبل أما أموت.....

عشان بنحب



بتحلّى الدنيا فد عينا
وبنشوفها كما الجنة
عشان بنحب
ويتبدل فد لحظة الحال
وتتلخص مشاعرنا
فد دقة قلب
ويصبح كل عيب ميزة
وننسى أوام
غلط أو ذنب
بتكبر كل أحلامنا
وبنشوف الخيال ممكن
ونبنى قصور
ونقدر نهزم العتمة
دا عين العاشقين دايماً

حالة حامة - هي يحيى

ماليها النور

ومها نغيب بنتواعد

ولو قلنا هنتلاقى

نعدي بحور

قلوبنا بتصفى من نظرة

وبنسامح ف غمضة عين

وصعب نلوم

بنتقاسم سوا الفرحة

وضحكتنا تريحنا

ف وقت هموم

غلبنا الدنيا بالإحساس

عشان بنحب مش ممكن

يبات القلب يوم مهزوم

على بوابة الذكرى



على بوابة الذكرى
فُتات الروح بيتلاقى
وكله حنين
لـ ماضى عدّى مش راجع
وكام ضحكة
وناس غاليين
لـ كل مكان بعيد عنا
ورغم البعد
مش ناسيين

وعد البوابة فى برواز
عليه صورتى وأنا صغير
وجمبه وردة مَبْتَدِلْش
وكام لوحة ورف إزاز

حالة حامة - هي يحيى

ونوتة ورقها مصفرش
ومتقطّش
عليها تاريخ سنين عدت
وأيام حلوة مبرجّش

على بوابة الذكرى
قلوبنا تملّى
واخذه معاد
بتهرب بيه من الوحدة
وتنسى وجعها فيه
لو زاد
ونلقى الوقت يسرقنا
ولفينا بحور وبلاد

ودا كله يادوب يحصل
ف غمضة عين
على بوابة الذكرى

حالة حامة - هي يحيي

ساعات الوقت محسوبة

دقائق شوق .. ثواني حنين

وبعد ما تخلص الرحلة

حاضرنا يأخذنا من تاني

ونرجعه بـ قلب حزين

عبر الهوا



لحظة لُقِيَ بعد الغياب
حتى ولو كانت عتاب
تهزم قساوة ليل طويل
تكسر ساعات الإنتظار
وتحلي أيام المرار
وتعالج القلب العليل
كُل الهموم بعد اللُقَى
والأسئلة المتعلقة
ف لحظة تَعْلِن الرحيل
وبننسى أيام البعاد
وكأننا ف أول معاد
راضيين وروحنا مسلّمة
كُل الـ عدى كان سراب
وبابتسامة قَفَلْنَا باب

حالة حاصّة - هي يحيى

عد الذكريات المؤلمة

ولد بكرة خدنا كثير وعود

ولينا كان مليون شهود

أولها كان قمر السما

لحظة لقانا كان لها

ألف احتمال

كان وارد إن رجوعنا تانى

يكون مُحال

كان إمتحان على حُبنا

ونجحنا من أول سؤال

قولنا كلام من غير كسوف

صعبة الحياه لو مش سوا

لحظة عتاب مفارقها خوف

لـ جروحنا كانت الدوا

من يومها وإحنا إيد فـ إيد

حالفين نصون عهد الهوا

فُتِحَ المَزَادُ



نادى المُنَادى فى الحارات

إتجمعوا يا أهل البلاد

كان صوته واصل كل بيت

وكله حاضر فى المعاد

وسط الملوك والأغنيا

كان فى بشر محرومة زاد

سَقَفَ بإيَّده سققتين

وقال لهم " فُتِحَ المَزَاد "

الليلة هنبيع كل شئ

حتى ولو كانت نفوس

والمسألة عرض وطلب

وكله محسوب بالفلوس

الليلة هنشوف العجب

صدقنى واقع مش كابوس

هتلاقى ناس زى النعامة
وناس بتشبه الطاووس
فُتِحَ المزاد والـ إبتدى
فـ السن كان راجل كبير
كان جَيَّ يعرض كَلِيَّتُه
هى الـ حيلتُه والحَصِير
وبَعْدُه قام مسنول مُهم
كان جَيَّ بيبيع الضمير
مشهد وسهل تَجَمَّعُه
فـ اليوم بيتكرر كثير
مكنش محتاج المُنادى
للمزاد ينصب صوان
كُل يوم بنعيشُه عادى
دى الحقيقة من زمان
بس ما باليد حيلة
وكُلنا شاهد عيان

8 | حالة حامة - هـي يحيى

مرة نرسم مرة نكتب

مرة بيغنى اللسان

والمزاد لساہ مکمل

وإحنا واقفين ع الميزان

في المنام



كُل الحكاية فـ كلمتين

عن بيت كبير

دايماً بشوقه فـ المنام

دايماً ببيائه مفتحة

وما بين حيطائه

تعيش وتستطعم سلام

كُل الوشوش فيه قُربة

ناس طيبة

طلعت بيهم مـ الزحام

من حُبهم ماليين

زوايا البيت دفا

وكأَنه قصر ملوك تمام

صوت ضحكهم

يغلب حلاوة

حالة حامة - هي يحيى

ألف نوته وميت مقام

وقت الوجع فى إيدى

تطبّط تفهمك

من غير كلام

وكفاية عندى أضْمُهُم

لو حتى كان كُل الحكاية

فى المنام

قرر مكتوب



جمَعني بِيك القدر
والحلم كان وردى
فقلوبنا متبروز
هنعيش لآخر مدى
ويعدى بينا العمر
نكبر سوا نعجز
حالفين ما نتفارق
وإن حد فينا شكى
على بعض نتعجز
بعيننا خدنا وعود
وفرحنا بالأيام
وف السما طرنا
وتملئ كُنّا نقول
الحُزن دا مخلوق

حالة حامة - هي يحيى

أكيد لـ ناس غيرنا
كل الحياه ضحكة
ولا مرة كان البُعد
وارد ف تفكيرنا
فانت ساعات وسنين
وما بين سعادة وآه
كانت يادوب ثانية
وقف الزمن فيها
واتبدلت أحوال
واتغيرت دُنيا
شكل الحياه إختلف
مَلَقَيْتَش ضِحَكْتِهَا
موجودة حوالِيَّ
مالت غصون الشجر
بطل يغنى الطير
والقلب صابه سكوت
مشهد سريع عدَى

8 | حالة حامة - هج يحيي

غامض ومش مفهوم
مليان بـ زحمة وصوت
كان في القدر مكتوب
إن الفراق سيكون
على إيد ملاك الموت

كلام هندية



آدى ورده

الى قادر لسة يضحك

رغم قسوة اللي عدى

وادی دمعة

ع الى فارق غصب عنى

بس لسة لصوتُه سامعة

وادی سقفة

للی ناوی یشد حیله

ف دنيا واقفة

وادی ضحکہ

للی طارق ورد خیره

ف كُلُّ سَكَّةَ

وآدى دعوة

لِلّٰی مِیْحْتَاجُ وُقُوتِ ضَعْفِهِ

حالة حامة - هي يحيى

يلاقى قوة

وآدى تعظيمة سلام

للى راضى قليل حاله

مهما يكثر الحرام

وآدى ف الآخر تحية

للى قادر لسة يدى

حتى لو كل الحكاية

كام هدية

مصر يا كل الكلام



مصر يامة يا سفينة
دوري يالا ولفي بينا
طوحينا ودوخينا
من عذابك دوقينا
واحنا مش هنلوم عليك
إحنا شعب العيب مالينا
مصر يامة يا بهية
كنت فاكِر إن خيرك كله لي
كُنت دائماً صوتي عالي
أصل أنا صاحب قضية
عشموني وقالوا إحلم
فجأة ربوا الرعب في
مصر يا أرض الكنانة

حالة حامة - هي يحيى

فِيكَ ناسِ بَتْنَامِ جَعَانَةِ

وَالِدِ شَبْعُوا وَاتَمَلُّوا

شَغَالِينَ فِي النَّاسِ إِهَانَةِ

وَإِنْ عَارَضْتَ وَقُلْتَ لِيهِ

يَبْقَا دَهْ دَلِيلَ لِلْإِدَانَةِ

مِصْرِيَا حِضَارَةِ فِرَاعِنَةِ

الْحَيَاهِ جَوَاكِ لَعْنَةِ

بِسْ عِشْقِكَ جَوَّةَ مَنَا

حَاجَةً فِينَا غَضَبَ عَنَّا

رَغْمِ نَارِكَ الْفِيكَ

لِسَهْ بِحُلْمِكَ بَجْنَةِ

مِصْرِيَا كُلِّ الْكَلَامِ

مِنْ مَحَبَّةٍ وَمِنْ مَلَامِ

إِعْذْرِي لِسَانِي الْغَاوِي

فَضْفَضَةَ فِي عِزِّ الزَّحَامِ

قَوْلْتُ أَقُولُ مِنْ عَشْمِي فِيكَ

كَلِمَتَيْنِ جَوَايَا لِيكَ وَالسَّلَامِ

نصي الجميل



كبير لكن بحبي
وفأيده بتشعبط
وف عتمتى دائماً
كانت عيونه دليل
من ضحكته بقوى
وحضنه كان مأوى
من غير ما بتكلم
كان يفهم التفاصيل
عارف بأسرارى
وعيونه دول دارى
كل الكلام يوصفه
والشعر والمواويل
على كتفه كنت بنام
وأستقوى ع الأيام

حالة حامة - هي يحيى

وأعشق ليالى الشتاء
لو حتى ليلها طويل
كان في الطريق الضيّ
هو الـ ملهوش زيّ
وفي وسط كل البشر
مُلقاش لـ روحه بديل
كان منه لوني القمحي
وطباعي وملامحي
مربوط بوجودي إسمه
هو نصي الجميل

هي



قالوا نُصّ الدُّنيا لكن....

حَيَّرَتْ كُلَّ الْعُقُولِ

رغم تفاصيلها البسيطة

قالوا نُغزّ مالوش حلول

وإن لو مرّت فـ بالهم

دايما التفكير يطول

وأما حاولوا يوصفوا

قالوا غامضة ومُتعبّة

وإنها أكبر سؤال

تايهة عنه الأجوبة

شغلوا بالهم بـ البحوث

نسيوا أصل التّجربة

والمعادلة كُلّها

رمزها كائن بسيط

حالة حامة - هي يحيي

بعد ما الكون إتخلق
كان بداية كل خيط
إتخلق من ضلع آدم
"هي" وردة كل بيت
بس لجل الحق هي
صعب تخلي م العيوب
بس مع ذلك ف هي
ملكة فوق عرش القلوب
وبغياها تلقى دنيا
شمسها دايماً غروب
هي كل جمال تشوفه
هي أمك لو يأسست
هي مفتاح الحياه
هي راحتك لو تعبت
هي ترجمة السعادة
البيسموها " بنت "

رباعيات



١

قلبي إله كان طيب , اليوم ماليه الوجد
مع إنه مش مجروح , ولا حب يوم وإنخدع
بس الوجد والآه والعلة ليهم سبب
قلبي واجعنى عشان " صاحبي مكنش جدع "

٢

الغدر خان الوفا وملى الوشوش بالزيف
وبقيننا صُبح ومسا ماسكين لبعض السيف
والدم سال للرُكب والموت بقا علنى
تشوف عنيك الجُثث , تقول ياريتنى كيف

٣

بين البشر فى وشوش كثير تايهين
دايماً حيارى تحسُّهم مساكين
زادهم شوية ذكريات حلوة
ومستورين بتوب خيطائه حنين

٤

خط القلم فوق الورق سطرين
ورسم قلوب وحروف كده وإسمين
ضحك الورق وقبل ما يقول السؤال
رد القلم "والله ما أعرف مين "

٥

والله ما شطارة ، ولا فيها مـ المجدعة
ساب الحمار يرفس ومسك لى فـ البردعة
لا ضمير ولا رحمة واردين فـ تفكيره
أعمى ومن ظلمه شاف الأذى منفعة

٦

يا مجملين الذل ومسميئه سلام
ومحللين الدم والظلم لأهل الشام
معمية ضمايركم لو بدلة او جلباب
مات الملاك وإنتم رابط لسانكم لجام

حالة حامة - هي يحيى

للتواصل :

<https://www.facebook.com/mai.yehia.35>

<https://www.facebook.com/Heartbeat/at-205837612830108>

<https://twitter.com/MaiUyahia>

الفهرس

- أبو وش بشوش ----- ٤
- أبيض وإسود ----- ٧
- العتمة ----- ٩
- أنا الأراجوز ----- ١١
- أنا راضى ----- ١٣
- أول معاد ----- ١٦
- بسيط الحُب ----- ١٨
- بيّاع الورد ----- ٢٠
- جربّت !!! ----- ٢٣
- حبة حاجات ----- ٢٥
- حبة حروف ----- ٢٨
- حلقة الإنتظار ----- ٣٠
- حلمك مش بعيد ----- ٣٢
- حواديت الحُب ----- ٣٤
- ربك كبير ----- ٣٧

حالة حامة - هي يحيى

- ريشة مكسورة ----- ٣٩
- زي الورد ----- ٤٢
- صدفة شتا ----- ٤٥
- ضحكة ولد ----- ٤٧
- عادى جداً ----- ٤٩
- عشان بنحب ----- ٥٢
- على بوابة الذكرى ----- ٥٤
- عهد الهوا ----- ٥٧
- فتح المزاد ----- ٥٩
- في المنام ----- ٦٢
- قدر مكتوب ----- ٦٤
- كام هدية ----- ٦٧
- مصر يا كل الكلام ----- ٦٩
- نصى الجميل ----- ٧١
- هي ----- ٧٣
- رباعيات ----- ٧٥
- الفهرس ----- ٧٩

تم بحمد الله

من إصدارات مؤسسة زحمة كُتَّاب



الشعر والخاطرة :

- لابس وش : علاء أحمد
- فعشقت مجدداً : أحمد لموم
- امرؤ الهلس : إسماعيل علي
- إنسان فالصو : محمد الشحات
- فأنت تفاح أخضر : عبد الرحمن حميدة
- ضل ونور : لمياء عامر
- تراتيل عاشقة : شاهنדה الزيات
- ثورة عاشق لم تكتمل : محمد أبو ذكري
- وجع الحنين : هيام الجمل
- أبجدية حب : كواعب البراهمي
- لك الحب : إيمان زايط
- حب في زمن حزين : السيد حسان
- فراغ عاطفي : على نمر
- ضل ونور : لمياء عامر
- هلايات : عبد الرحمن الهلالي
- الشتاء الأخير : آية على الشاعر
- مني لك : عبلة موسى، خالد غازي
- سكتة حب : عبلة موسى
- خلطة مطبعية : إيهاب الكيلاني

- خيال يرتب خارج دواير الانتظار : أحمد رامي
عبدالله
- ١/٢ كدر : عثمان بالمنعم
- لسه! : رفيدا حسن
- كلمات تروي حكايات : محمد العدي
- ألفاظه : د. محمد عبدالله الشيخ
- على ضفاف الزمن مررت بذاكرتي : سهير عبدالله
رخامية
- ولي أمل : إسلام عبدالعزيز
- تحيا مصر : خالد غازي

الرواية والقصة القصيرة :

- استربتيز : منة الله رافت
- الصامتون تحت الأرض : هبة حمدي
- المواجهة الملعونة : محمود شاهين
- العذاب الحلو : سالي غانم
- للأحلام اسم آخر لا نعرفه : محمد صلاح المصري
- طائر في الظلام : إيمان عبد الخالق
- هن : ولاء بيومي
- رجل ضد العالم : سمير زكي
- (HIV) من مذكرات مثلي : علاء أحمد
- للخطايا ثمن : محمد الجعفري
- جريمة أب : حازم خليفة

الكتب المآمة :

- آىلىآرام : شعر
- سىلفى : شعر
- سىآا : شعر
- صف آانى : شعر
- قلم رصاص : شعر
- آرابزىن : شعر
- بارانوىا : شعر
- بىانولا : قصة قصيرة
- ألوان : قصة قصيرة
- نىكتوفىلىا : آواطر
- إنسانوبىكىا : شعر وآاطرة وقصة قصيرة

المقال والدراسات :

- مآاآ فى آب الوطن : د.أآمآ السعآى
- ىا سكر : كرىم عمرو، ىاسمىن الآماى
- كىمىا الآب : سارة آسىن
- لا مؤاآآة : أآمآ مرسى
- مآن مصر المآروسة (آآمىة الموضع، إمكانيّة
- الزمان) : على مآمود العباآى
- شرائع مآرمة : كواعب البراهمى
- ومضات : مآمآ ىحىى

التواصل :



人々